



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Angelii Bargaei Commentarius de Obelisco

Angèli, Pietro

Romae, 1586

Andreae Bvscovii Poloni Ode.

urn:nbn:de:hbz:466:1-13181

Tartareis iterum præcipitata plagi,
 Risit, & ò nostra pietas dignissima cura,
 Digna ò cui totus pareat orbis, ait,
 Horre Acheron: Stygijs surgunt noua prælia regnis:
 Militia sacra dux nouus arma parat
 Ingentes Erebo clades meditatur, & instat
 Barbara qui Christo subdere saxa potest.

ANDREÆ BVSCOVII POLONI ODE.

O Cui tam varia licuit splendescere luce
 Äquata moles atheri,
 Seu tu magnanimo promittis tuta Leone
 In monstra regnum perfida;
 Sidere seu radiante poli das signa secundi,
 Lumeng, Sixti comprobas,
 Seu summum in triplici portendis culmine culmen
 Honoris & sacri imperiis
 Seu stabilem ipse tuo testaris pondere Petri,
 Fideiq, firmam regiam:
 Felix sorte tua cælo spectabilis ipsi
 Tali coruscans pondere
 Despicies quicquid terris violenta minentur
 Procacis Austri flamina.
 Ipsa, viden? qua summa tuo Crux vertice fulget,
 Crux summa cæli gloria.
 Certa cano: Pater omnipotens hoc pignore firmat;

Tu



Tu quicquid orbi nuncias.

EIVSDEM EPIGRAMMA.

Tergemini montes, sublimi in mole serenos
Impositis astris explicuere sinus;
Astra humeros rursus manifesta in luce coruscos,
Calcandasq; Crucis supposuere comas,
Hac cœlo statuenda fuit: sed montibus altis
Celsior, atque astris non erat ullus apex.

A L I V D.

Quod moles immota tua Pater optime menti
Paret, & imperijs est modo mota tuis,
Non facit hoc cogente manu, vel viribus ullis:
Illi etiam scelus est non tua iussa sequi;
Et dubitem infrænes posituros colla Britannos,
Quando & saxa tuum iam subiere iugum?

A L I V D.

Viderat aquatos cœlo Roma aurea montes
Ostentare tua Christe trophyæ crucis,
Et septem mirata arces sub munere tali
Subsedisse humiles: talia dicta dedit:
Sola meum quondam potuit crux vincere robur,
Soli nunc poterunt tecta subesse Cruci.

EIVSDEM EPIGRAMMA.

Inlyta Echyonia sileant miracula tresses,
Sint licet argutam membra sequita chelym
Aspi-